

Morning Dogri (NSD) National News Bulletin 02-04-2024

आकाशवाणी

खबरां नाट्यपाल सिंह कोला।

1. विदेश मंत्री डॉ. एस.जयशंकर होरें आक्खेआ जे जिसलै तगर बन्ने पर तनाह घट्ट नेई होई जंदा पाकिस्तान कन्नै बपार दी कोई संभावना नेई ऐ।
2. प्रधानमंत्री नरेन्द्र मोदी होर अज्ज राजस्थान दी जयपुर ग्रामीण लोकसभा सीट तैहत् कोटपुतली थाहर चुनाव रैली गी संबोधित करगंन।
3. कोयला मंत्री प्रलहाद जोशी होरें जानकारी दिती जे पैहली बारी भारत च कोयला ते लिगनाईट उत्पादन इक अरब टन थमां मता होई गेआ ऐ।
4. भारत दे मुख्ख न्यायधीश डी.वाई.चन्द्रचूड होरें अपराधिक न्यांह सरिस्ते च बदलाव लेई तकनीक दी अहम भूमका उप्पर जोर पाया ऐ।
5. आईपीएल क्रिकेट च जंदी रातीं मुंबई दे वानखेडे स्टेडियम च खेड्डे गेदे मेच च राजस्थान रॉयल्स नै मुंबई इंडियंस गी 6 विकटें कन्नै हराई दित्ता।

<><><><><><>

EAM

विदेश मंत्री डॉ. एस.जयशंकर होरें आक्खेआ जे जिसलै तगर बन्ने पर तनाह बने दा ऐ उसलै तगर पाकिस्तान कन्नै बपार दी कोई संभावना नेई ऐ। डॉ. जयशंकर होर सुरत दे Southern Gujrat Chamber of Commerce & Industry आस्सेआ भारत इक उभरदी अर्थ-बवस्था विशे पर आयोजित कार्यक्रम गी संबोधत करा'रदे हे। उनें आक्खेआ जे आतंकवाद गी कुसै बीरूपै च बरदाश्त नेई कीता जाग। अरुणाचल प्रदेश पर चीन दे दावें गी खारज करदे होई विदेश मंत्री होरें आक्खेआ जे अरुणाचल प्रदेश भारत दा इक राज्य ऐ ते म्हेशां रौहग ते कोई ना बदलने कन्नै एह तथ्य बदली नेई सकदा। केन्द्रीय मंत्री किरेन रीजीजू होरें अरुणाचल प्रदेश दी 30 थाहरें गी चीन आस्सेआ गैर कनूनी तरीके कन्ने भौगोलिक नां दित्ते जाने दी सख्त निंदेआ कीती ऐ। रीजीजू होरें इक सोशल मीडिया पोस्ट च आक्खेआ जे चीन बे-बुनियाद दावे करा'रदा ऐ पर एहदे कन्नै जमीनी हकीकत ते

ऐतिहासक तथ्य नेई बदलगन। उनें गलाया जे अरुणाचल प्रदेश भारत दा अनत्रुट्ट हिस्सा ऐ ते अरुणाचल प्रदेश दे लोक सारे मानके ते परिभाषाएं मूजब परम देशभक्त भारतीय न।

<><><><><><>

PM-Rajasthan

भारतीय जनता पार्टी दे वरिष्ठ नेता ते प्रधानमंत्री नरेन्द्र मोदी होर राजस्थान दी जयपुर ग्रामीण लोकसभा सीट आस्तै कोटपुतली च चुनावी रैली करगन। मोदी होर दपैहरी तकरीबन डेढ़ बजे मोलाहेड़ा ग्राम च रैली आली थाहर पुज्जगन। ओह जयपुर ग्रामीण लोकसभा सीट थमां पार्टी दे मेदवार राव राजेन्द्र सिंह हुंदे समर्थन च जनसभा करगन। लोकसभा चुनां दी घोषणा मगरा राजस्थान च प्रधानमंत्री हुंदी एह पैहली रैली ऐ। राजस्थान च लोकसभा चुनां 2 गेड़ 19 ते 26 अप्रैल गी होंगन।

<><><><><><>

BJP

भारतीय जनता पार्टी दे वरिष्ठ लीडर ते केन्द्रीगृह मंत्री अमित शाह होर अज्ज कर्नाटक दे दोरे पर जांरदे न। ओह अज्ज बडलै बेंगलुरु च शक्ति केन्द्र पार्टी कार्यकर्ताएं गी संबोधत करगन ते बेंगलुरु ग्रामीण लोकसभा सीट च छन्नपटना थाहर इक रोड शो च हिस्सा लेंगन। बीजेपी दे राज्य महासचिव ते चुनां प्रबंधन कमेटी दे कनवरनर वी.सुनील कुमार होरें समाचार माध्यमें गी जानकारी दिक्ती जे अमित शाह होर अज्ज 5 लोकसभा सीटें थमां पार्टी कार्यकर्ताएं गी संबोधत करगन। तोआई कांग्रेस दी केन्द्री चुनां कमेटी दी बैठक लग्गी जेहूदे च तेलंगाना लेई पार्टी दे मेदवार दे नाएं पर चर्चा कीती गई। इस बैठक च पार्टी दे अध्यक्ष मल्लिकार्जुन खड़गे, पार्टी दी वरिष्ठ नेता सोनिया गांधी ते तेलंगाना दे मुख्यमंत्री रेवांथ रेड्डी होर बी मजूद हे। कमेटी नै फैसला कीता जे तेलंगाना दी बारंगत थमां कादियाम काव्या ते महाराष्ट्र दी अकोला सीट थमां अभय काशीनाथ पाटिल होर पार्टी दे मेदवार होंगन।

<><><><><><>

Punjab Flag March

लोकसभा चुनां थमां पैहले आम लोकें च सुरक्षा दी भावना पैदा करने आस्तै पंजाब पुलस नै केन्द्रीय सशस्त्र पुलस बल दी टीमें कन्नै कल पूरे राज्य च सब्बने संवेदनशील थाहरें पर फ्लैग मार्च कीता। पुलस महानिदेशक गौरव यादव होरें सब्बने पुलस अफसरें गी असमाजिक तत्वे पर तक्क रखने आस्तै खास नाके लाने ते गश्त बधाने दे निर्देश दित्ते न। राज्य च मतदान खीरले गेड़ च पैहली जून गी होग। इस मार्च दा मकसद आम लोकें च सुरक्षा दी भावना पैदा करना ते पैदा होई सकने आली कुसै बी माड़ी स्थिति कन्नै निबड़ने लेई सुरक्षाबले गी तैआर करना हा।

<><><><><><>

Coal

कोयला मंत्री प्रलहाद जोशी होरें आकखेआ जे भारत दा कोयला ते लिगनाईट उत्पादन पैहली बारी इक अरब टन थमां मता होई गेआ ऐ। उनें आकखेआ जे सरकार दे समर्थन कन्नै क्षमता विस्तार करी पिछले 10एं बरें च कोयला ते लिगनाईट उत्पादन च 70 फीसद थमां मते दा बाद्धा होआ ऐ। इस उपलब्धि आस्तै उनें कोयला क्षेत्र दे सब्बने सरबंधी धड़ेंग ी बधाई दित्ती। प्रधानमंत्री नरेन्द्र मोदी होरें आकखेआ जे कोयला ते लिगनाईट उत्पादन इक अरब टन पार करना भारत दी बड़डी उपलब्धि ऐ। एह कोयला क्षेत्र दा तेज विकास जकीनी करने दे सरकार दे धैइयै गी दर्शादा ऐ। सोशल मीडिया दी इक पोस्ट च उनें आकखेआ जे ऊर्जा दे महत्वपूर्ण क्षेत्र च एह भारत दे आत्मनिर्भर बनने आली भेठा जतनें गी बी जकीनी करदा ऐ।

<><><><><><>

CBI

भारत दे मुख् न्यायधीश डी.वाई.चन्द्रचूड़ होरें अपराधिक न्यां सरिस्ते च बदलाव लेई तकनीक दी अहम भूमका पर जोर पाया। कल्ल सीबीआई दिवस दे मौके पर नमीं दिल्ली च डी.पी.कोहली मैमोरियल लैक्चर दिंदे होई मुख् न्यायधीश होरें नमें दौरे दे अपराधिक सरिस्ते कन्नै निबड़ने लेई नमीं तकनीक अपनाने दी लोड़ उप्पर जोर पाया। उनें आकखेआ जे नमीं तकनीक कन्नै निपक्ख ते तेज सुनवाई दी सुविधा थहोग। इस मौके पर मुख् न्यायधीश होरें शानदार सेवा देने आले सीबीआई अफसरें गी राष्ट्रपति पुलस मैडल बी प्रधान कीते। भारत सरकार दे 1 अप्रैल 1963 गी आन्ने गेदे प्रसताव राएं केन्द्री पड़ताल सीगे सीबीआई दी स्थापना कीती गेई ही तां जे भ्रष्टाचार, गुज्ज माली ते गंभीर अपराधें दी पड़ताल कीती जाई सकै।

<><><><><><>

Kiran Rijju

मुल्खे च अगले ढाई म्हीनें तोड़ी बड़ी मती गर्मी पौने दे सार न। नमीं दिल्ली च पत्रकारें कन्नै गल्ल करदे होई भू-विज्ञान मैहकमे दे केन्द्री मंत्री किरण रिजिजू होरें आकखेआ बड़ी मती गर्मी पौने दे सार गी दिक्खदे होई उनें चुनाए दे संदर्भ च मुत्तलका धड़ें कन्नै इक बैठक कीती। मोसम सरबंधी मैहकमे दे महानिदेशक डॉ. मृत्युवजह महापात्रा होरें आकखेआ जे मुल्खे दे मध्य, उत्तर ते दक्खनी हिस्सें च गर्मी मतें दिने तोड़ी पेई सकदी ऐ। उनें आकखेआ जे अप्रैल ते जून बश्कार बद्धोबद्ध तापमन सामान्य थमां उप्पर होग। डॉ. महापात्रा होरें आकखेआ जे गुजरात, मध्य महाराष्ट्र, उत्तरी कर्नाटक, राजस्थान, मध्यप्रदेश, ओडिशा, उत्तरी छत्तीसगढ़ ते आंध्रप्रदेश च गर्मी दा सारे शा बद्ध ते माड़ा असर पौने दे सार न।

<><><><><><>

India-Nepal

काठमांडू च आयोजित भारत नेपाल लोक शिल्प महोत्सव च दौनें मुल्खें दे बक्ख-बक्ख हिस्सें दी कलात्मक संस्कृति गी दर्शाने आली शिल्प कला सरबंधी चीजां प्रदर्शित कीतियां गेइयां। नेपाल दे उप-प्रधानमंत्री होरें 28 मार्च गी एहदा उदघाटन कीता हा। महोत्सव दे खीरी दिन लोकें मकामी नेवारी खाने ते भारत दे बनारसी पान दा नंद लैता। भारतीय बपारी अपने स्टाल पर भारत च बनी दी चीजे गी बेचा'रदे हे। जिसलै कि नेपाल दे बपारिएं नेपाल दे गैहने, मक्कें दे पतरे कन्ने बने दा समेयान, खाने पीने आलियां चीजां, नेपाली रिवायती कपड़े ते होर दुए समेयान गी बेचेआ।

<><><><><><>

IPL

आईपीएल क्रिकेट च जंदी रातीं मुंबई दे वानखेडे स्टेडियम च खेड्डे गेदे मेच च राजस्थान रॉयल्स नै मुंबई इंडियंस गी 6 विकटें कन्नै हराई दित्ता। राजस्थान दी टीम नै मुंबई आस्सेआ दित्ते गेदे 126 रंजे दे लक्ष्य गी असानी कन्नै 15.3 ओवरें च चरुं विकटें दे नुक्सान पर हासल करी लैता। अज्ज रॉयल चैलेंजर्स बैंगलोर दा मकाबला लखनऊ सुपर जायंट्स

कन्नेै हलुग। डैच डैगलुरु दे ँड.कलनुनलसुवलडी सुटेडलडड क खेडुडेआ कलग ते सडल सलडे डके
शुरु हलुग।

<><><><><><>